

長沙方歌括



長沙方歌括卷五

閩長樂陳念祖脩園著

長男 蔚古愚擬註

次男 元犀靈石叅訂

孫男 心鍊全校字

陽明方

猪苓湯

治渴欲飲水小便不利脈浮發熱者主之



猪苓 一兩

茯苓 一兩

澤瀉 一兩

滑石 一兩

阿膠 一兩

右五味以水四升先煮四味取二升去滓內

阿膠烱消溫服七合日三服

歌日澤膠猪茯苓相連咳嘔心煩渴不眠煮好

去渣膠後入育陰利水法兼全

述此湯與五苓之用有天淵之別五苓散治大陽入本太陽司寒水故加桂以溫之是煖



腎以行水也。此湯治陽明少陰結熱。二經兩關津液。惟取滋陰以行水。蓋傷寒表證最忌亡陽而裏熱。又患亡陰亡陰者亡腎中之陰。與胃之津液也。若過於滲利。則津液反致耗竭。方中阿膠卽從利水中育陰。是滋養無形以行有形也。故仲景云。汗多胃燥。雖渴而裏無熱者。不可與也。

蜜煎導方

治陽明病自汗■出若發汗小便自利者此
為津液內竭■大便雖鞭不可攻之當須自
欲大便宜蜜煎導而通之若土瓜根及與大
猪膽汁皆可為導也

內臺方
原文

蜜 七合

一味於銅器內微火煎之稍凝如飴狀攪之
勿令焦著欲可丸併手捻作挺令頭銳大如
指長二寸許當熱時急作冷則鞭以內穀道



枚以小竹管插入膽口。留一截用油潤內入
穀道中。以手將膽捻之。其汁自內出一食頃
當大便下。又用土瓜根削如指狀。蘸猪膽汁
內入穀道中亦可用。

茵陳蒿湯

治陽明病發熱。汗出。此爲熱越不能發黃也。
但頭汗出。身無汗。劑頸而還。小便不利。渴欲
飲水漿者。此爲瘀熱在裡。身必發黃。此方主

之

又傷寒七八日身黃如橘子色小便不利腹微滿者此方主之

茵陳蒿 六兩

梔子 十四枚

大黃 二兩 去皮

右三味以水一斗先煮茵陳減六升內二味

煎取三升去滓分溫三服小便當利尿如皂

角汁狀色正赤一宿腹減黃從小便去也

歌曰二兩大黃十四梔茵陳六兩早煎宜身黃



南京中醫藥大學圖書館版權所有

尿短腹微滿。解自前陰法最奇。

柯韻伯曰。太陽陽明俱有發黃證。但頭汗出。

而身無汗。則熱不得外越。小便不利。則熱不。

得下利。故痰熱在裏而發黃。按太陽之發黃。乃太陽之標陽。

下合太陰之濕氣。陽明之發黃。亦陽明之燥。

熱內合太陰之濕化。若止病本氣。不合太陰。

則不發黃。故曰太陰者。身當發黃。若小便

自利者。不能發黃也。張令韶之說最妙。

裏有不同。肌肉是太陽之裏。當汗而發之。故

用麻黃連翹赤小豆湯。按柯韻伯移此方於太陽篇。亦有見解。然



原本係是陽明。聖經必不可擅改。

心胸是太陽之裏。陽明之

表當寒以勝之。故用梔子蘘皮湯乃清火法。

陽胃是陽明之裏。當瀉之於內。故立木方是。

逐穢法。茵陳稟北方之色。經冬不凋。傲霜凌

雪。偏受大寒之氣。故能除熱邪留結。率梔子

以通水源。大黃以調胃實。令一身內外瘀熱。

悉從小便而出。腹滿自減。腸胃無傷。乃合引

而竭之之法。此陽明利水之聖劑也。又按仲



景治陽明渴飲有三法。太陽篇之五苓散微發汗以散水氣者不與焉。若大渴煩躁小便自利者。白虎湯加參。清火而生津。脈浮發熱小便不利者。猪苓湯滋陰以利水。若小便不利而發黃腹滿者。茵陳湯以泄熱。令黃從小便出。病情治法胸有成竹矣。竊思仲景利小便必用氣化之品。通大便必用承氣之品。以小便由於氣化也。茲小便不利不用二苓者。

何。本論云。陽明病。汗出多而渴者。不可與豬
苓湯。以汗多。胃中燥。豬苓湯復利小便故也。
須知陽明汗出多而渴者。不可用。則汗不出
而渴者。津液先虛。更不可用。明矣。此主以推
陳致新之茵陳。佐以屈曲下行之梔子。不用
枳朴。以承氣與芒硝之峻利。則大黃但能潤
腸泄熱。緩緩而行。故必一宿而腹始減。黃從
小便去。而不由大腸去。仲景立法之奇。匪彛

所思耳。

麻仁丸

治跌陽脈浮而濇，浮則胃氣強，濇則小便數，浮濇相搏，大便則難，其脾為約。此方主之。

麻仁 二升

芍藥 半觔

枳實 半觔

大黃 一觔 去皮

厚朴 一尺 去皮炙

杏仁 一升 去皮尖 熬研作

脂

右六味為末，煉蜜為丸，如梧桐子大，飲服十



丸漸加以知為度

歌一升杏子二升麻枳芍半觔效可誇黃朴

一觔丸飲下緩通脾約是專家一本厚樸亦是一觔

男元犀按脾為胃行其津液也今胃熱而津

液枯脾無所行而為窮約故取麻仁杏仁多

脂之物以潤燥大黃芍藥苦泄之藥以破結

枳實厚朴順氣之藥以行滯以蜜為丸者治

在脾而取緩欲脾不下泄其津液而小便數



已還津液於胃中而大便難已也。

蔚按古今權量尺寸不同攷之內臺方麻仁

四兩杏仁六兩芍藥枳實各二兩厚朴三兩

大黃八兩蜜丸如梧桐子大熟水下五十丸

梔子蘖皮湯

治傷寒身發黃發熱

梔子十五枚

甘草一兩

黃蘖二兩

右三味以水四升煮取一升半去滓分溫再



服

歌裏鬱業經向外驅身黃發熱四言規身黃發熱

之外無他證。草須一兩二黃蘗十五枚梔不去皮發熱

麻黃連軹赤小豆湯

治傷寒寒熱在裏身必發黃此湯主之

麻黃二兩 去節 連軹二兩 赤小豆一升

甘草二兩 生梓白皮一升一本一斤內臺三兩

杏仁四十枚 去皮尖 大棗十二枚 生薑二兩



右八味以潦水一斗先煮麻黃再沸去上沫
內諸藥煮取三升去滓分溫三服半日服盡
歌曰黃病薑翹二兩麻一升赤豆梓皮許棗須
十二能通竅四十杏仁二草嘉

蔚按梔子蘖皮湯治濕熱已發於外止有身
黃發熱而無內瘀之證此治瘀熱在裏迫其
濕氣外蒸而爲黃也麻黃能通洩陽氣於至
陰之下以發之加連翹梓皮之苦寒以清火

赤豆利水以導濕。杏仁利肺氣而達諸藥之氣於皮毛。薑棗調營衛以行諸藥之氣於肌腠。甘草奠安太陰。俾病氣合於太陰而為黃者。仍助太陰之氣。使其外出。下出而悉去也。潦水者。雨後水行滲地。取其同氣相求。地氣升而為雨。亦取其從下而上之義也。

少陽方

小柴胡湯方

本論無方。此方列於太陽篇中。今補其方名。

